

Broj: 556-030-04/25
Sarajevo, 12.09.2025. godine

Na osnovu člana 69. stav 2) tačka d) i člana 70. Zakona o javnim nabavkama („Službeni glasnik BiH“, br: 39/14, 59/22 i 50/24), člana 43. Statuta Javne ustanove „Centar za napredne tehnologije u Sarajevu“, te prijedloga Komisije sadržanog u Zapisniku o pregledu i ocjeni ponuda br. 556-060-06/25 od 10.09.2025. godine, u postupku nabavke roba -pogonski motor SUS i oprema za motor-LO 2, direktor donosi

O D L U K U
o poništenju postupka javne nabavke roba
-pogonski motor SUS i oprema za motor -LOT 2

I

Poništava se postupak javne nabavke roba – pogonski motor SUS i oprema za motor, LOT 2 – oprema za motor, putem *otvorenog postupka*, evidencijski broj nabavke PJNR-26/25, pokrenut Odlukom o pokretanju br. 556-030-01/25 od 14.08.2025.godine, obavještenje o nabavci br. 22651-1-1-67-3-30/25 objavljeno dana 15.08.2025.godine.

II

Postupak iz tačke I ove Odluke se poništava iz razloga propisanih članom 69. stav 2) tačka d) Zakona o javnim nabavkama, odnosno iz razloga što niti jedna primljena ponuda nije ocjenjena kao prihvatljiva.

III

Ova odluka objavit će se na web-stranici www.cnt.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 2. i 6. Zakona o javnim nabavkama BiH.

IV

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 556-030-01/25 od 14.08.2025.godine. Javna nabavka je provedena putem otvorenog postupka sa predviđenom e-aukcijom i kriterijumom- najniža cijena. Ukupna procijenjena vrijednost javne nabavke bez PDV-a je iznosila 61.000,00 KM bez PDV-a, odnosno 41.000,00 KM bez PDV-a za LOT 1 i 20.000,00 KM bez PDV-a za LOT 2.

Tenderska dokumentacija i izmjena tenderske dokumentacije su objavljeni na portalu javnih nabavki zajedno sa obavještenjem o nabavci broj: 22651-1-1-67-3-30/25 objavljeno dana 15.08.2025.godine.

Komisija za javne nabavke imenovana je Odlukom broj: 556-030-02/25 od 14.08.2025.godine. Komisija za javne nabavke dostavila je 10.09.2025. godine Zapisnik o pregledu i ocjeni ponuda sa

sa odgovarajućim prijedlogom, broj: 556-060-06/25, u postupku javne nabavke roba- pogonski motor SUS i oprema za motor, LOT 2.

Komisija za javne nabavke blagovremeno je izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno za LOT 2:

- da je blagovremeno zaprimljena- 1 ponuda;
- da je ukupan broj pristiglih ponuda – 1;
- da nije bilo neblagovremenih ponuda.

Komisija je ocijenila da ponuda ponuđača Top Color d.o.o. Sarajevo, ul. Kenana Demirovića br. 1, 71000 Sarajevo nepravilna, te je stoga odbacila istu iz razloga propisanih članom 68. stav 4. tačka i) Zakona o javnim nabavkama BiH, a u vezi sa članom 2. tačka l) 3) Zakona.

Zapisnikom o pregledu i ocjeni ponuda sa prijedlogom/preporukom Komisije br. 556-060-06/25 od 10.09.2025. godine utvrđeno je sljedeće:

- Ponuđač nije dostavio izjave iz člana 45. i 52. Zakona potpisane i ovjerene od strane nadležnog organa, već samo od strane ponuđača. Nije dostavljen spisak izvršenih ugovora uz potvrdu, te izjava iz člana 49. ZJN nije potpuna jer ne sadrži spisak izvršenih ugovora
- Ponuda nije potpuna i ne ispunjava zahtjeve iz tenderske dokumentacije, te se ocjenjuje kao nepravilna.

Komisija za javne nabavke je u Zapisniku o pregledu i ocjeni ponuda predložila ugovornom organu da donese odluku o poništenju postupka javne nabavke roba – pogonski motor Sus i oprema za motor, LOT-2, u skladu sa članom 70., a na osnovu člana 69. stav 2. tačka d) Zakona o javnim nabavkama BiH, obzirom da je jedna dostavljena ponuda ocjenjena kao nepravilna, odnosno nijedna od primljenih ponuda nije prihvatljiva.

Cijeneći prethodno navedeno, direktor je odlučio kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba u roku od 10 (deset) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka.

Direktor



Mr. Enzar Mulahasanović

Dostaviti:

- Ponuđaču koji je učestvovao u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a